



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-1-40-069-6/21**

Datum: **29.03.2021. godine**

„Agencija za vodno područje rijeke Save“ Sarajevo rješavajući po zahtjevu Općine Tešanj za donošenje rješenja o prethodnoj vodnoj saglasnosti za sanaciju desne obale rijeke Usore nizvodno od Ribarske ulice prema objektu „Klaonica“, (označeno kao „uzvodna dionica u naselju Jelah“), općina Tešanj, na osnovu člana 109. stav (1) tačka 14. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99), donosi

RJEŠENJE o prethodnoj vodnoj saglasnosti

1. Općini Tešanj daje se prethodna vodna saglasnost za sanaciju desne obale rijeke Usore nizvodno od Ribarske ulice prema objektu „Klaonica“, (označeno kao „uzvodna dionica u naselju Jelah“), na zemljištu označenom kao k.č. 953/6 K.O. Jelah i k.č. 1221 i 378 K.O. Miljanovci Donji, općina Tešanj, u cilju sprječavanja štetnog djelovanja voda a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod slijedećim uslovima:
 - 2.1. Izraditi i revidovati investiciono - tehničku dokumentaciju na nivou potrebnom za pribavljanje odobrenja za građenje u skladu sa propisima koji važe za ovu vrstu radova, a koja treba da je urađena od strane ovlaštenog pravnog lica u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
 - 2.2. Projektom dokumentacijom treba da se obuhvati tehničko rješenje zaštite erodabilne obale korita i čišćenje korita u cilju obezbjeđenja proticajnog profila rijeke Usore, a projekat između ostalog treba sadržavati:
 - Situativni prikaz sa ucrtanom dionicom obuhvaćenom aktivnostima uređenja korita i desne obale rijeke Usore na ažurnim geodetskim podlogama kao i uzdužnim i poprečnim profilima riječnog korita urađenim na bazi geodetskih snimanja, koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova.
 - Tehnički opis uz obrazloženje rješenja i pojašnjenje efekata izgradnje zaštitnih objekata, dimenzioniranje obloge, predmjer radova, tehničke uslove izvođenja i odgovarajuće grafičke priloge uobičajene za nivo projekta za građenje sa ciljem sanacije i sprječavanja dalje devastacije obale rijeke Usore na predmetnom lokalitetu;
 - Rješenje kojim će se očistiti i urediti korito rijeke Usore na navedenoj dionici u cilju stabilizacije obale, korita i smanjenje rizika od štetnog djelovanja voda na predmetnom području;
 - Zahvati na čišćenju korita i sanaciji obale moraju uvažiti postojeće imovinsko - pravne odnose i radove svesti u pojas kojim će se najmanje narušiti privatni posjedi i parcele;
 - Rješenje uklapanja projektovane dionice u postojeće stanje sa prelaznim dionicama (uzvodni i nizvodni konturni uslovi);
 - Predmjerom radova utvrditi količine materijala (pijesak, šljunak) koje će se izvaditi iz korita, a koji se može iskoristiti za radove na uređenju korita i obale rijeke Usore, te materijala koji treba ukloniti (smeće, mulj, kruti otpad, pijesak, šljunak, šibljje i dr). Bilans masa uraditi na osnovu ažurnih geodetskih podloga;
 - Zahvati uređenja korita trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;

- Trebaju se uvažiti zahtjevi predstavnika lokalne jedinice samouprave u dijelu koji se odnosi na uklapanje u važeću urbanističku i prostorno – plansku dokumentaciju;
 - Prilikom definiranja načina izvođenja radova na utvrđenim lokalitetima sa oštećenjima obale korita uvažiti postojeće stanje korita, morfologiju terena, geološki sastav korita i sl.;
3. Materijal koji ima svoju upotrebnu i tržišnu vrijednost i koji se može dalje koristiti (pijesak, šljunak) koji će se pojaviti kod čišćenja korita rijeke i čije će se količine utvrditi u predmjeru radova iz tačke 2.2. alineja 6 ovog dispozitiva, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka („Službene novine FBiH“, broj 58/15).
 4. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20).
 5. Uz zahtjev se, između ostalog, prilaže:
 - Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste) za predmetnu dionicu uređenja rijeke i dokaz o riješenim imovinsko – pravnim odnosima,
 - Saglasnost udruženja sportskih ribolovaca na termine provođenja radova na predmetnom uređenju korita rijeke Usore.
 6. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona o vodama, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 7. Ovu prethodnu vodnu saglasnost Investitor će koristiti u postupku ishodovanja urbanističke saglasnosti i okolinske dozvole ukoliko ova vrsta radova podliježe obavezi ishodovanja istih i ona definiše uslove koje projektna dokumentacija treba zadovoljiti sa aspekta voda u skladu sa Zakonom o vodama u postupku dobivanja vodne saglasnosti.
 8. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

O B R A Z L O Ž E N J E

Općina Tešanj je dana 15.02.2021. godine ovoj Agenciji podnijela zahtjev za donošenje rješenja o prethodnoj vodnoj saglasnosti za sanaciju desne obale rijeke Usore nizvodno od Ribarske ulice prema objektu „Klaonica“, u dužini cca 200m, (označeno kao „uzvodna dionica u naselju Jelah“), općina Tešanj, u cilju sprječavanja štetnog djelovanja voda, a u postupku pribavljanja urbanističke saglasnosti.

Uz zahtjev je dostavljena i pregledana slijedeća dokumentacija:

- Kopija uvjerenja o poreznoj registraciji izdatog 20.01.2011. godine od strane Porezne uprave – Kantonalni ured Zenica,
- Kopija Obavještenja o razvrstavanju pravnog lica prema klasifikaciji djelatnosti, broj: 07-32.5-82421/14 izdatog od strane Službe za statistiku za područje Zeničko-dobojskog kantona,
- Kopija Statuta Općine Tešanj, „Službeni glasnik Općine Tešanj“ broj 11/07,
- Kopija katastarskog plana: K.O. Jelah, broj plana 5, UR broj: 06-26-11-2201/2020-5 izdatog 13.07.2020 od strane nadležne službe Općine Tešanj,
- Kopija katastarskog plana: K.O. Miljanovci Donji, broj plana 21, UR broj: 06-26-11-2201/2020-6 izdatog 13.07.2020 od strane nadležne službe Općine Tešanj,
- Kopija Izvoda iz posjedovnog lista broj 173 K.O. Miljanovci Donji, općina Tešanj, broj: 06-26-11-2201/20-3 izdatog 13.07.2020 od strane nadležne službe Općine Tešanj,
- Kopija Izvoda iz posjedovnog lista broj 251 K.O. Miljanovci Donji, općina Tešanj, broj: 06-26-11-2201/20-2 izdatog 13.07.2020 od strane nadležne službe Općine Tešanj,
- Kopija Izvoda iz posjedovnog lista broj 237 K.O. JELAH, općina Tešanj, broj: 06-26-11-2201/20-4 izdatog 13.07.2020 od strane nadležne službe Općine Tešanj,
- Mišljenje o usaglašenosti planiranih aktivnosti sa prostorno-planskom dokumentacijom, broj: 06-19-7-1519/20 dato 29.07.2020. godine od strane nadležne službe općine Tešanj,

- Elaborat: „Sanacija desne obale rijeke Usore nizvodno od Ribarske ulice prije i poslije objekta „Klaonica“ u naselju Jelah, općina Tešanj, urađen jula 2018. godine od strane „HIGRACON“ d.o.o. Sarajevo,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U skladu sa članom 124. stav (1) Zakona o vodama i člana 1. Pravilnika o izmjeni i dopuni pravilnika o sadržaju, obliku, uvjetima, načinu izdavanja i čuvanja vodnih akata („Službene novine FBiH“ broj 41/20) o predmetnom zahtjevu je dana 11.03.2021. godine, obavještena javnost putem obavještenja u dnevnom listu „Oslobođenje“ i na oglasnoj ploči «Agencije za vodno područje rijeke Save» Sarajevo. U datom roku nije bilo pisanih izjašnjenja o aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda, zemljišne čestice vodnog dobra i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je Investitor dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

Čišćenje i uređenje korita rijeke Usore na predmetnoj lokaciji planirano je u cilju stabilizacije oštećene obale korita uslijed erodabilnih procesa i odnošenja materijala te povećanja protočnog kapaciteta korita. Na ovoj lokaciji će se izvršiti stabilizacija obale (adekvatnom oblogom kosina na potrebnoj dužini) i zaštita od štetnog djelovanja voda. Istovremeno će se provesti čišćenje ove dionice od naplavina u cilju poboljšanja hidrodinamičkih uslova i poboljšanja kapacitivnih karakteristika korita.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava i šteta nastalih erozionim procesima na predmetnoj dionici, na osnovu člana 109. stav (1) tačka 14., a u vezi sa članom 111. Zakona o vodama i člana 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Obradivač akta:

Roksanda Školjić, dipl.inž.građ.

za Po ovlaštenju
Rukovodilac sektora za izdavanje
vodnih akata

Haris Ališehović, dipl.inž.građ.

Dostaviti:

- Općina Tešanj
Trg Alije Izetbegovića br. 1, 74260 Tešanj
- ⊖ AVP Sava, ISV-vodna knjiga – ovdje;
- Sektor 30
- Arhiva – ovdje;
- AVP Sava – Oglasna ploča